

## УДАРНИК

## Кизёно зечлыко, жог но агротехникалэн вань правилоосыз'я

Районамы сельскохозийственной уж'ёслэн самой решающей дырзы вуиз. Ваньмыз ик колхоз'ёс ю октон-калтон борды кутскемын. Кытын ке ю октон-калтонэн по-большевицки кивалто, кытын ке социалистической соревнование но стахановской движение паськыт вёлмытэмын, кытын ке массово-политической уж выль удьсы пуктэмын, отын ю октон-калтон организованно, умой мынэ. Ильинской сельсоветысь колхоз'ёс, озы ик мукет сельсовет'ёс но колхоз'ёс. Районысьтымы колхоз'ёс жоген быдтозы етйнанзэс но зег аранзэс.

Соин Чош ик вуиз мукетыз ответственной сельскохозийственной уж—озимовой кизён. Вуоно 1940 арын эшшо но узыр урожай бастоньн озимовой кизён нырысь но важнейшой ужен луэ. Соин ик та ужез ас эрказ лэзыны уг луы, сое ортчытоно зечлыко, жог но вань агротехнической мероприятиясты уж вылын быдэтыса. Ответственной уж со. Вань партийной, комсомольской, советской но тужгес ик земельной орган'ёслы та задачаез быдэстонэн конкретно кивалтыны кулэ.

Районысьтымы тросэз колхоз'ёс зег кизён борды кутскизы. Нош куд-ог колхоз'ёс зег кизёнэз быдэстыны ни.

Ст-Моньинской сельсоветысь „Красная заря“ но „Красная Бобья“ колхоз'ёс озимовой зег кизён планзэс 7 августэ быдэстыны. Киземины у м о й но агротехникалэн вань правилоосыны.

Ильинской сельсоветысь „Безбожник“ колхозын озимовой кизён умой мынэ. Вань сеялкаос уже кутэмын. Кизён бордын ужасьёс куспазы Чошаткыса ужало. Таин Чош ик куд-ог колхоз'ёслэсь озимовой кизённы ляб дасяськемен кизён урод мынэмез вератэк уг луы. Средне-Кеческой сельсоветысь

„Юлтош“ колхозын зег кизён кутскемын. Минеральной удобренности нулонэн колхоз правление өз кивалты. Соин сэрэн трос гектар вылэ удобрять карымтэ муз'ем вылэ кизёно луэ.

Ваньмыз ик озимовой площадь сортовой кидыс'ёсын киземины луныны кулэ. Одиг гектар но киземины луныны кулэ б'ёл, соин ик вань сеялкаосты уже кутэно, чтобы кизён вакчи дыр куспын мед быдэсоз.

Кизённы ужась колхозник'ёс но колхозницаос п'олын социалистической соревнованиез но стахановской движение паськыт вёлмытоно. Вань колхозник'ёс но колхозницаос мед нюр'ясыкозы со понна чтобы озимовой кизёнэз зечлыко вакчи дыр куспын но агротехникалэн вань правилоосыз'я орчтыны.

Вуоно арын узыр урожай бастоньн азиялыкэс со бордын но луоз, кызы колхоз'ёс, кыче зечлыкен паровой бусыосты утялтызы, кыче чылкыт возызы жаг-турин'ёслэсь пар'ёссыс. Та требованиясты ваньмыз колхоз'ёс өз быдэс'ялэ. Сельсовет'ёслэн но колхоз'ёслэн председател'ёссы парез утялтонны саклыкэс ичи вис'ялэзы.

Котыкуд колхоз, бригада, звеноосты кылдытыса, колхозник'ёс п'олын социалистической соревнованиез паськыт вёлмытоно, трудлэсь производительностьэ вылэ жутоп понна нюр'ясконо. Вань копноно тракторной сеялкаосты полной нагрузкэен использовать кароно. Вань кизён площадез машинаен кизёнэз добитьса кароно.

Озимовой кизёнэз шоноер организовать карыса, котыкуд колхозын, бригадаын но звеномьн озимовой кизён план'я орчтытэмын луыны кулэ.

## УАССР-лэн Верховной Советэзлэн нырысетй созывезлэн Кыктэти Сессиезлэн заседаниез сярэсь ИНФОРМАЦИОННОЙ ИВОРТОН

1939 арын 7-тй августэ

7-тй августэ, 5 часын жытазе УАССР-лэн Верховной Советэзлэн заседаниос орчты'ян Бад'ым залаз, УАССР-лэн Верховной Советэзлэн нырысетй созывезлэсь Кыктэти Сессиез усьтон ортчиз. Сессиез усьтэ УАССР-лэн Верховной Советэзлэн председателэзлэн заместителэз депутат С. Я. Стрелков.

С. Я. Стрелков эш УАССР-лэн Верховной Советэзлэн Кыктэти Сессиез эскероно вопрос'ёс сярэсь ялэ.

Депутат Д. В. Борисова чектэ УАССР-лэн Верховной Советаз эскерыны понна с'ётэм вопрос'ёсты УАССР-лэн Верховной Советэзлэн Кыктэти Сессиезлэн эскероно ужпум'ёсыз п'олы пыртыны.

УАССР-лэн Верховной Советэз оркылэсь юнматэ та'че эскероно ужпум'ёсты:

1. УАССР-лэсь 1939 арлы бюджетэ юнматон но УАССР-лэсь 1938 арын бюджетэз быдэстэм сярэсь отчетэс юнматон.

Чектыське УАССР-лэн Народной Комиссар'ёсызлэн Советэныз.

2. Удмуртской АССР-лэн трудяшыйёсызлэн депутат'ёсызлэн районной, городской, сельской но поселковой совет'ёсазы б'ыр'ён'ёс сярэсь Положениез юнматон.

Чектыське УАССР-лэн Верховной Советэзлэн Законодательной Предложениосызлэн Комиссиеныз.

3. УАССР-лэсь Верховной Судэз б'ыр'ён.

4. УАССР-лэн Верховной Советэзлэн Президиумезлэсь Указ'ёсэс юнматон сярэсь, куд'ёсыз кутэмын Нырысетй но Кыктэти Сессиез куспын и юнматэмын луыны кулэ

луэ УАССР-лэн Верховной Советэныз.

Председательствовать карыса ялэ Удмуртской АССР-лэн Верховной Советэзлэн председателэзлэсь Н. П. Разенов депутатлэсь заявленизэ Удмуртской АССР-лэн Верховной Советэзлэн председателэзлэн обязанностьэсызлэсь сое мотытон сярэсь.

Депутат П. Н. Пестерев чектэ Н. П. Разенов эшлэсь заявленизэ удовлетворить карыны но Удмуртской АССР-лэн Верховной Советэзлэн председателэз юнматыны С. А. Шутников депутатэз.

Депутат А. В. Косачев поддерживать каре Пестерев эшлэсь предложенизэ.

Председательствовать карыса депутат С. Я. Стрелков с'ётэм чектонэз голосовать каре.

Верховной Совет единоголосно б'ыр'е Верховной Советэзлэн председателэз С. А. Шутников депутатэз.

Собере Сессилэн эскероно ужпум'ёсызлэн нырысетй пунктэ'я УАССР-лэн 1939 арлы бюджетэз сярэсь но УАССР-лэн 1938 арлы бюджетэзлэн быдэсемеэз сярэсь докладэн выступить кариз УАССР-лэн Финанс'ёсыз'я Народной Комиссарез С. А. Александров эш.

УАССР-лэн Верховной Советэзлэн Бюджетной Комиссиейзлэн докладэныз выступить кариз депутат В. И. Крупин.

Таин УАССР-лэн Верховной Советэзлэн нырысетй заседаниез ворсаське.

## Японец'ёс уг чалмытско

МНР-ысь Монголо-советской войскасслэн штабылэн ивортмез'я, 26 июльсен 5 августэз Монголо-советской войскаос Халхын Голшурлэн восток паласытыз интыез асьсэ киязы юн возэ, японо-манчжурской войскаослы пумит яван бойёс нуыса. Японо-манчжурской войскаос трос пол атаковать карыны вырылызы монголо-советской войскаосты но соослэн сылон интыязы пырыны турттылызы. Артиллерииен но пулемет'ёсын ыбылыса японо-манчжурской войскаослэсь трос калыксэс быдтылыса ваньмыз ик атакаоссы дугдыт'ямын.

Та нунал'ёс куспын ик трос воздушной атакаен монголо-советской авиация 5 японской самолет'ёсты быдтыз, нош монголо-советской авиациялэн одиэг самолетэз но өз быры.

Японской авиация тужгес ик активно действовать кариз 29 июле. МНР-лэн территория вылаз трос пол воздушной бойёс орчтыса, 29 июле, одиэг нунал куспын японц'ёслэн 32 самолет'ёссы бырыз. Со нуналэ ик монголо-советской авиа-

циен муз'ем вылэ уськытэмын но пленэ кутэмын вал японской летчик'ёс Фукуди, Т-хиро но подпоручик Табути. Монголо-советской авиациялэн ньыль летчик'ёсыз өз берытске. Соосты утчан мынэ.

31 июле коняке воздушной бойёс орчты со бойёс дыр'я 5 японской истребительёс муз'ем вылэ уськытэмын. Монголо-советской авиациялэн одиэг самолетэз өз берытскы.

1 августэ японской бомбардировочной авиация МНР-лэн территорияз пырыз вал, монголо-советской истребительёсын но зенитной артиллерииен ыбылыса пумитамен, боепырыськытэк но бомбаоссэ кутэк кошкыз со аслаз территорияз. Уйыса мынйсь монголо-советской истребительёсын соку 2 японской самолет'ёс уськытэмын. Монголо-советской авиациялэн одиэг летчикез капчиен ранить каремын, со ас аэродром вылаз ик благополучно пуксиз. 1 августэ нуназе бере японской бомбардировочной авиация нош ик бомбардировать карыны туртскыз монголо-советской войскаослэсь сылон интызэс но со уля-

мын вал зенитной артиллерииен но истребительёсын.

2 августэ 8 часын Чукна монголо-советской авиация разбомбить кариз противниклэсь аэродромэз но быд'я 8 японской самолет'ёсты, со сына 3 самолет уськытэмын вал омырэ жутскыкузы. Монголо-советской авиациялэн ыштон'ёсыз б'йвал.

3 августэ японской бомбардировщик'ёс истребительёслэн юртэмзы улсын нападение лэсьтыны туртскызы монголо-советской войскаос вылэ. Монголо-советской истребительёсын пумитам бере, соос Манчжурилэн территорияз кошкызы. Японской авиациялэн 2 бомбардировщик'ёсыз МНР-лэн территория вылаз усьыса кылызы.

4 августэ японской истребительёс но бомбардировщик'ёс но монголо-советской авиация куспын МНР-лэн территория вадьсаз кык воздушной бой орчиз. Со бойёс дыр'я 10 японской самолет'ёс муз'ем вылэ уськытэмын. Монголо-советской авиациялэн аэродром'ёсаз өз берытскы одиэг самолет. (ТАСС).



Суред вылын: Всесоюзной Сельскохозийственной Выставкалэн участникез—„1 май“ колхозлэн свинаркаез (Похвистневской район, Куйбышев кой область) Р. Б. Рябчикова. 1938 арын Рябчикова эш 15 свиноматкаослэсь 384 парсьпи бастыз. Вань приплод сохранить каремын.

## Жутскем мылкыдын

Куиньметй пятилеткалэсь заемзэ (кыктэтй арезлэн выпускэз) вёлдон Гожнинской сельсоветысь „Красная армия“ колхозын Жутскем мылкыдын ортчиз. Кык нунал куспын 3500 манетлы заем вёлдымын

Заем вёлдыку ик колхозник'ёслы но колхозницаослы 1939 арлы сельхоз. налог, страховой, самообложение государственности коньдон тырыны обязательствоос люкылэмын.  
**КРАСНОПЕРОВ, ЗУБОВ.**

## Колхоз бусыосын

Ср-Кечевской сельсоветысь „1-й май“ колхозысь аран машинаен арасьёс Ижболдин Федор, Крылов Н. 4 га аран интые 7 га арало. С.

Та сельсоветысь ик Азинлэн нимыныз нимама колхозын ю октонкалтон алама мынэ. Зег аран план 70 процентлы гинэ быдэстэмын. Колхозник'ёс уж дуре уг потало. Колхозлэн председателез Гиреев ю октонкалтонэз быдэстон понна уг сюлмаськы. **Н. С.**

Ильинской сельсоветысь „Красная звезда“ колхозысь культу керттыльсьёс Савастьянова Екатерина, Павлова Надежда, Иванова Надежда нормаоссэс 200 процентозь быдэс'яло.

Та колхозысь ик 4-тй бригадысь бригадир Н. Иванов бригаденыз алама кивалтэ. Колхозник'ёс

но колхозницаос уж дуре бер потало, колхозник'ёслэсь но колхозницаослэсь ужамзэс 2-3 нунал улысатэк уг лыд'я, соин ик шонер уг луы ни.

Колхозлэн правлениез таёе ужез тодыса но нокиёе но ужрад уг куты. **Н. Гаврилов.**

Ст-Моньинской сельсоветысь „Восход“ колхозын уробоос уг тырмо. Бригадалы быдэ 4 уробо гинэ. Конной дворын 20 уробо сёриськыса улэ. Колхозлэн председателез М. Курбатов ужез тупатон понна уг сюлмаськы. **П. Николаев.**

Средне-Кечевской сельсоветысь Сталинлэн нимыныз нимама колхозын зег аран план 327 га аранын 200 га гинэ. Нокиёе агит-массовой уж өвёл. **Н. Сергеев.**

## „Юлтош“ колхозын

Ср-Кечевской сельсоветысь „Юлтош“ колхозысь кивалтисьёс котыкыёе ужез умой но зечлыко быдэстон борды өз кутске на. Колхозын агитационно-массовой уж аналтэмын. Бригадаосы юнматэм агитатор'ёс уг ужало. Татысь комсомольской организация колхозлы уг юртты, агитационно-массовой ужен чик уг кивалты.

Районысьтымы куд ог колхоз'ёс зег кизён планзэс быдэстэмын. Та колхозын кизыны умой-умой өз кутске на, кизён план 20 процентлы гинэ быдэстэмын.

4-тй бригадалэн бригадирез Покоев дызэз юыса ортчытэ. Та бригада зег кизыны өз

кутскы на. Зег аран план 60 процентлы гинэ быдэстэмын. Бригадаын трудовой дисциплина куашкамын. Нуналлы быдэ 25 процентэз колхозник'ёс но колхозницаос уж дуре уг потало. Колхозлэн правлениез таёе ужез тодыса но нокиёе ужрад уг куты.

Таин Чош ик колхозын умой ужасьёс но вань. 1-тй бригадалэн бригадирез Демидов М. бригадаяз валэктон ужез умой пуктыз. Солэн бригадаез колхозын котыкуд бригадаослэсь азымынсь бригадалуэ. Демидов эшлэн бригадаез зег аранэз зечлыко быдэстэмын. Валэс ю октонкалтон но зег кизён та бригадын быре ни. **В. Калистратов.**

Бурановской но П-Можгинской сельсовет'ёслэн председател'ёссы Акилов но Байсаров. телефон уг ужа шуыса, бусы уж'ёслэн мынэмзы сярись сводкаосы жегатылэ.



Милесьтым постоянно юало, кызы мыно бусы уж'ёс, нош юало меда Пивоваровлэсь (связьлэн начальникезлэсь) кызы ужало телефон'ёсыз. Кызы-о мон тодом, кукемынам телефонэ арня-а мара уг ужа ни.

## Социалистической земледелилэн рекорд'ёсыз

Гектарысь 512 пуд чабей

Италиын гектарысь 83 центнер чабей басытэмын. Со мукет кунын'ёсысь земледелилы характерное л у э. Таёе рекорд'ёс асьмелэя обыденной явениеосын луо. Знаменитой ефремовец И. Е. Чумаков, гектарысь 512 пуд чабей басытэ. Со Алтайын, кытын выли удалтонлыкэз басытэсь ефремовской звеноос сюрсэн лыд'яско ни. Страналэн мукет палаз—Крымын таёеос ик адзылымтэ урожай'ёс—Крымской АССР-ысь „Большевик“ зерносовхозлэн бригадирез

П. А. Левен эш гектарысь 80 центнер чабей басытэ. Сталинградской областысь Харабалинской районысь „Красный партизан“ колхозлэн бригадирез В. И. Олейников 1 гектарем поливной участокусь шорлыдын вераса котыкуд гектарысь 73 центнер валэс чабей басытэ.

Суровой Якутиысь Вилюйской районысь Н. С. Топыгаров гектарысь 117 центнер йыды басытэ. Европайн но Америкаын таёе удалтонлыкэз Жынызэ но уг басыто.

## Ганин урод ужа

Гожнинской сельсоветысь „Красная армия“ колхозлэн председателез Ганин, колхозын ужез умоятон понна уг сюлмаськы.

Колхозын перевалка гырон план 202 га, быдэстэмын 60 га гинэ. Етйн ишкон 75 процентлы гинэ быдэстэмын. Минеральной удобрение нуллытэ. Аран борды умой-умой кутскытэ. Колхозын агитационно-массовой уж уг нуиськы, агитатор'ёс вис'ямын өвёл, колхоз

одиг муртэ агитатор'ёслэн курсыз лэзёно вал, нош Ганин, „мынам агитатор'ёсы сотэк но умой ужало“ шуыса өз лэзэ.

Ганин сельсоветэ президиуме но уг ветлы. Сельсоветлэсь чик уг кылзиськы, ужзэ ас сяменыз гинэ пуктыны малпа, соин ик коты мар уж урод мынэ.

Ганинлы таёе ответственностьэк ужамез понна кулэ ужрад кутно. **Рыбанов.**

## САДЭЗ ПУДО СИЕ

Ильинской с-советысь „Безбожник“ колхозэ 1937 аре 170 выжы яблоск пу но 520 выжы эмезь пу мерттызы. Ваньмыз 500 манетлы. Колхозын сад умой будэ вал ини. Колхоз та садэз кенерен котыртаны өз сюлмаськы, туэ июнь толзэе колхоз фермаысь ыж'ёслы сюдыса быдтызы, парсь-

ёс выжыоссэ бугыр'яло. Таёе ужлы ёрмыса садовник ужысьтыз куштыськыз.

Алигес ини сад доре куинь воз кенер пуч нуллызы садэз котыртаны. Правление таин буйгатскиз, кенер уг куты. Нош пудоос садэз весь сию. Тйни озыы колхозлэн татчы но 500 манетэз быре.

## Уставез нарушит'я каро

Ст-Моньинской сельсоветысь „Горд пельга“ колхозын сельскохозяйственной уставез нарушит'я каро. Огазаям уробоосыз но го-зыосыз 1939 арын берен колхозник'ёслы гуртазы люкыллызы. Правление тае тодыса но озыы лэсьтэ. Колхозын араны 25 июле кутскизы, 4 аран машинаос пöльсь кыкыз гинэ ужасы, кыкыз ремонттировать карымтэ. Соин сэрэн колхозник'ёс но колхозницаос сюрлоен аразы.

Сельсовет тае тодыса но нокиёе ужрад уг куты. **Григорьев.**

## Дисциплина куашкамын

Пытиамской сельсоветысь „Красный факел“ но Ворошиловлэн нимыныз нимама колхоз'ёсын трудовой дисциплина номирлы ярантэм урод пуктэмын. Колхозник'ёс уж дуре 7-8 часын чукна потало, уж дурись но озыы ик жыт 7-8 часын берто. „Красный факел“ колхозын нуналлы быдэ 25-30 мурт уж дуре уг потало. Та колхоз'ёсын бордгазет но горд но съёд доскаос уг ужало. Агит-массовой уж өвёл. Колхоз'ёслэн председател'ёссы Никитин но Каргашин ужез умоятон понна уг сюлмаськы. **Д. М. М.**

## 34 сюрс экскурсант'ёс

Колхоз'ёсысь, совхоз'ёсысь но машино-тракторной станциясысь 34 сюрс экскурсант'ёс Москвае лыктызы. Нуналлы быдэ ик Москваын та мында экскурсант'ёс ду-ылозы.

Кечевской МТС-лэн агрономез Глухов ю тысьёсты умой но чылкыт возён понна ёжыт сюлмаське, грызун'ёсын юр'яскон интые чем дыр'я юса ветлэ.



Шыр'ёс: Главноез—писйен негпадение сярись договор заключить карон, нош хозяйственниклэсь ми ум кыш-каське...

Редактор—Г.М. Иванов.

Поттысь— Райисполком.

## Я л о н

5 августэ ышемын костромской поропао пуны. Приметаосыз: йырыз но кук'ёсыз горд, тыбырыз съёд, чырты съёрыз пурись интыез вань, айы, клячкаез „Альберт“.

Шельтысьёслы ивортоно таёе адресэн: М-Пурга, Октябрьская ул'ча № 39, Кузнецов.

## 11 август азелы юсты онтонналтонлэн быдэсметез.

(Процентэн вераса)

СЕЛЬСОВЕТ'ЕС	Зег аран	Етйнан
М-Пурга	94	100
Гожня	90	86
Кечур	100	97
Пытцам	100	100
Ильинск	100	100
Ст-Монья	100	96
Ср-Кечево	96	100
Аксакшур	99	100
Бураново	100	76
П-Можга	89	94
ВАНЬМЫЗ	97	95